



En domënia, ai 15.10.17 complësc **Paola Frena Pitscheider** da Pedraces **97** agn. Le Senioreclub y düta la Comunità ti aoda düte le bun, sanité y benedisciun de Dî.

La biblioteca Sas dla Crusc inviëia a: *“Amisc dles erbes s’incunta – i imparun da conësc n valgünes erbes”* a Badia te biblioteca en vëndres ai 13 de otober dales 20:00. Düc é inviá.

Curs de ladin por progredis; al mët man tl Istitut Micurá de Rû a S. Martin ai 19 de otober y vá inant cina ai 17 de dezëmber vigni jöbia dales 19:30 ales 21:00. Info al nr. 0474/523110 o mail: formaziun.vb@micura.it

Referat: *„Lí indertöra y capí les etichëtes alimentares – (Lebensmitteletiketten richtig lesen und verstehen)”* cun Doris Troges en jöbia ai 12 de otober dales 20:00 te scora mesana a La Ila. Le Consëi de Formaziun Val Badia inviëia düc chi che á interes.


L’Istitut Herz-Jesu da Mühlbach lascia alsavëi che al mët man les iscriziuns 2017/18 por süa scora mesana. Ai 16, ai 23 y ai 27 de otober éle n domisdé de informaziun. Al é da se prenoté al nr. 0472/849727 o sekretariat@herzjesu-institut.it

Vangele dla proscima domënia - 28° dl Ann “A”

Mat. 22, 1-10

Te chël tēmp ti á Gejú cunté ai gragn proi y ai plü vedli dl popul chësta parabola: Cun le régn dl cil éra sciöche cun n re, che á arjigné ca la noza de so fi. Al á mené sü sorvidus a cherdé i ghesc invíá a noza. Mo ai n’orô nia gní. Dailó ál ciamó n iade ortié sorvidus y ti á racomané: Dijedi ai invíá: Mi past é arjigné, i bos y i tiers da maza é tuc ia, döt é arjigné. Gnide a noza!

Mo ëi ne s’un fajô nia d’infora, un deperpo é jü te so ciamp, l’ater te süa botëga, indô d’atri é jüs porsura sü sorvidus, i á tortoré y i á copé. Sëgn s’á le re dessené; al á mené sües trupes, á fat copé i assassins y a süa cité ti ál taché fúch. Spo ti ál dit a sü sorvidus: Le past da noza é arjigné, mo i ghesc n’è nia dëgns de gní invíá. Jide porchël fora söles strades y inviede düc, chi ch’i incuntëis, ala noza. I sorvidus é jüs fora söles strades y á condüt düc adôm chi ch’ai á incunté, ri y prosc, y le salf da festa s’á implí de ghesc.



Plata dla Ploania
Badia
San Iaco - San Linert

Ploan: **Siur Iaco Wendelin Willeit**
Calonia Badia: **0471/839571**
E-Mail: parrocchiabadia@libero.it
Radio dla Ploania: **91,10 Mhz**

UNITÉ PASTORALA



www.unitepastorala.org

Ann „A“ 08.10. - 15.10.2017 27^a Domënia dl ann n. 46



***Düta la comunité de Badia
ti dá cun ligrëza le bëgnü al
Vëscö Ivo Muser***


FUNZIUNS SACRES

- 08.10. **27^a DOMÈNIA di ANN A**
09.00 Piun ia da colonia por la **Gran Mëssa cun nosc Vësko**
18.00 por i novic Werner Dapunt y Jule Frenner
†to Friedl Valentin
†to Sepl Anvidalfarei
- 10.10. Mertesc - **S. Daniel Comboni**
14.00 a Pescol: mëssa por i seniores
†to don Giancarlo Bertagnolli
por les animes dl purgatore
- 11.10. Mercui - **S. Jan XXIII / Papa**
07.30 *Mëssa cun i scolars dla elementara*
†to Serafino Ploner
†to Milio Clement
†ta Zenzi Pitscheider
- 12.10. Jöbia - **S. Maximilian**
19.30 †ta Rita Rungg
†ta Rosa Crepaz
†to Giuvani Irsara da Cialaruns
- 13.10. Vëndres - **S. Eduard**
07.30 †ti Maria y Felice Flatscher
†ta Maria Savio
por les püres animes
- 14.10. Sabeda
10.30 Mëssa da noza de Werner Dapunt y Jule Frenner
16.00 Mëssa a Oies
- 15.10. **28^a DOMÈNIA di ANN A**
10.00 Mëssa por la Comunità
11.00 Festa da Bato
15.00 Prozesciun cun Chël Bel Dî da La Crusc
18.00 †ti Paul y Mariangel Pitscheider
†ti Pepele y Lois Nagler
†to Florian Valentini (dala uniu di ëi)

Dala VITA dla CÛRA

Incuntada di jogn cun le Vësko:

düc i jogn y jones é inviá a tó pert en sabeda, ai 14 de otober, dales 15.00 ales 16.30 te salf dles uniuns a Al Plan, al' incuntada dla jonëza dla Val Badia cun le Vësko tla curnisc dla vijita pastorala.



En sabeda, ai 7 de otober 2017 se á uní tl Sacramënt dl MATRIMONE Massimo Palumbo cun Margaret Pizzinini. La Comunità de Badia ti aoda tröpa ligrëza y benedisciun de Dî sön so tru deboriada.

Senioreclub: en mertesc, ai 10 de otober metunse indô man nostes incuntades y jun ia en Pescol por la S. Mëssa dales 14:00. Se abinun dan Ciasa Runcher o a Pedraces dales 13:30 por jí cun auti privac. Dedô jarunse da Urban por la picera marëna. Oressun dër bel invié düc a gní. Da 65 agn inant pon tó pert y porchël ves aspetun cun ligrëza.

Bibelrunde cun Siur Sepl Granruaz: se incuntun en mertesc ai 10 de otober dales 20.00 te colonia de Al Plan (bass ite). Düc é dër bel inviá.



Cursc de preparaziun al maridé 2017/18: ciafëise te dljia o te colonia i jorantins cun i termnins por chisc cursc. Ai vëgn tignis a Lichtenburg, Lichtenstern, Cademia Cusanus y da aisciöda ince tla Val Badia.

La Schira Jonila (Jungschar) mët man en sabeda, ai 14 de otober dales 10:00 tl local di Jogn a Badia cun Elisa, Jessica y Nicole.

Ciastagnada dles ëles: la uniu dles ëles inviëia dütes da gní ai 24 de otober a Urtijëi a fá le « tru dl dialog » y spo dedô a Vahrn a Törggelen. An pëia ia da Pedraces dales 14:00 y präibel prenotesse pro Roberta al nr. 338/3852548 (domisdé) cina ai 21 de otober. Le prisc sará zirca 40 €.